

Ruj. Kami : MQA.100-1/7/1 Jld. 2 ( 13 )

Tarikh 20 Februari 2019

## KEPADA SEMUA PEMBERI PENDIDIKAN TINGGI (PPT)

Tuan/Puan,

### PEKELILING MQA BIL. 2/2019

#### PENGUNAAN EDISI TERKINI STANDARD PROGRAM:

- 1) BIOTEKNOLOGI
- 2) MUAMALAT DAN KEWANGAN ISLAM

Dengan hormatnya saya merujuk kepada perkara di atas.

2. Seperti yang tuan/puan sedia maklum, Standard Program: Bioteknologi (Programme Standards: Biotechnology) telah dibangunkan oleh Agensi Kelayakan Malaysia (Malaysian Qualifications Agency, MQA) pada tahun 2009. Standard program tersebut telah dikuat kuasa penggunaannya menerusi Pekeliling MQA Bil. 1/2009 bertarikh 14 Oktober 2009. Standard Program: Muamalat dan Kewangan Islam (Programme Standards: Muamalat and Islamic Finance) pula telah dibangunkan oleh MQA pada tahun 2012. Penggunaannya dikuatkuasakan menerusi Pekeliling MQA Bil. 3/2012 bertarikh 05 Julai 2012.

3. Kedua-dua dokumen tersebut telah dibangunkan dengan kerjasama panel standard program yang terdiri daripada ahli akademik dan industri dan telah menjadi rujukan utama Pemberi Pendidikan Tinggi (PPT) dalam penawaran dan jaminan kualiti program pengajian di Malaysia.

4. Bagi memastikan kedua-dua standard program kekal relevan, MQA telah melaksanakan **kajian semula** terhadap edisi sedia ada. Berdasarkan input yang diterima daripada pihak berkepentingan, kandungan dokumen telah ditambah baik selaras dengan perkembangan semasa kedua-dua bidang pengajian pada peringkat nasional dan global.

5. Standard program yang telah dikaji semula ini adalah berpandukan kepada tujuh bidang jaminan kualiti di Malaysia serta menepati kehendak dan keperluan Kerangka Kelayakan Malaysia (Malaysian Qualifications Framework, MQF). Ia menggariskan standard minimum pelbagai keperluan khusus bagi program Bioteknologi serta Muamalat dan Kewangan Islam. Selain menjadi rujukan kepada PPT, dokumen ini akan digunakan oleh pegawai dan ahli panel penilai MQA dalam penilaian akreditasi program bagi kedua-dua bidang tersebut. Pengamalan proses jaminan kualiti yang tepat, teratur, konsisten dan berpandukan standard program

dapat menghasilkan graduan program Bioteknologi serta Muamalat dan Kewangan Islam yang berkualiti.

6. Sehubungan itu, PPT yang menawarkan program Bioteknologi serta Muamalat dan Kewangan Islam adalah tertakluk kepada penggunaan standard program dalam penyediaan dokumen permohonan Akreditasi Sementara dan Akreditasi Penuh. Sekiranya terdapat perbezaan antara standard program ini dengan standard program yang lebih khusus atau dengan syarat terdahulu yang ditetapkan oleh MQA atau Kementerian Pendidikan Malaysia, maka standard yang lebih tinggi adalah terpakai.

7. Standard program perlu dibaca bersama dengan dokumen MQF, Kod Amalan Akreditasi Program (Code of Practice for Programme Accreditation, COPPA), Kod Amalan Audit Institusi (Code of Practice for Institutional Audit, COPIA) serta dasar dan ketetapan jaminan kualiti pendidikan tinggi semasa. Walau bagaimanapun, PPT boleh membuat penambahan elemen-elemen lain yang bersesuaian selaras dengan aspirasi institusi serta keperluan nasional dan antarabangsa.

8. Pelaksanaan dan pematuhan terhadap edisi terkini Standard Program: Bioteknologi dan Standard Program: Muamalat dan Kewangan Islam adalah seperti berikut:

BIL.	TARIKH	PERKARA
1.	01 Mac 2019 sehingga 28 Februari 2020	<p>Tempoh transisi bagi semua <b>program yang telah mendapat Akreditasi Sementara dan Akreditasi Penuh</b> untuk mematuhi standard program.</p> <p>Nota: Kohort pelajar yang diambil <u>selepas tempoh transisi</u> tamat perlu menggunakan kurikulum baharu.</p> <p>Kohort pelajar yang telah berada dalam sistem, boleh menggunakan kurikulum sebelum ketetapan baharu terpakai seperti mana yang dinyatakan dalam surat tawaran pelajar atau perjanjian antara pelajar dan PPT.</p> <p>Walaupun bagaimanapun, tiada halangan sekiranya PPT ingin menggunakan kurikulum baharu kepada kohort pelajar sedia ada jika tidak membebankan atau berdasarkan persetujuan pelajar.</p>
2.	01 September 2019	<p>Pengambilan pelajar bagi semua <b>program yang telah mendapat Akreditasi Sementara dan Akreditasi Penuh</b> perlu mematuhi syarat kelayakan masuk berdasarkan standard program.</p>

BIL.	TARIKH	PERKARA
3.	01 September 2019	Semua <b>program baharu yang memohon Akreditasi Sementara</b> perlu mematuhi standard program.

9. Kedua-dua standard program boleh dirujuk dan dimuat turun melalui portal MQA, [www.mqa.gov.my](http://www.mqa.gov.my).

Sekian, terima kasih.

**“BERKHIDMAT UNTUK NEGARA”**

Saya yang menjalankan amanah,



**(DATO' DR. RAHMAH BINTI MOHAMED)**

E-mel: [rahmah@mqa.gov.my](mailto:rahmah@mqa.gov.my)

s.k.:

1. YBhg. Ketua Setiausaha  
Pejabat Ketua Setiausaha  
Kementerian Pendidikan Malaysia  
Aras 17, No. 2, Menara 2  
Jalan P5/6, Presint 5  
**62200 W.P. PUTRAJAYA**
2. YBhg. Ketua Pengarah Pendidikan Tinggi  
Jabatan Pendidikan Tinggi  
Kementerian Pendidikan Malaysia  
Aras 9, No. 2, Menara 2  
Jalan P5/6, Presint 5  
**62200 W.P. PUTRAJAYA**
3. YBhg. Ketua Pengarah  
Jabatan Pendidikan Politeknik & Kolej Komuniti  
Kementerian Pendidikan Malaysia  
Aras 5, Galeria PjH, Jalan P4w  
Persiaran Perdana, Presint 4  
**62100 W.P. PUTRAJAYA**
4. SUSK YB Menteri Pendidikan  
Pejabat Menteri Pendidikan  
Kementerian Pendidikan Malaysia  
Aras 18, No. 2, Menara 2  
Jalan P5/6, Presint 5  
**62200 W.P. PUTRAJAYA**
5. Ketua Eksekutif  
Perbadanan Tabung Pendidikan Tinggi Nasional (PTPTN)  
Tingkat Bawah, Menara PTPTN  
Blok D, Megan Avenue II  
No.12, Jalan Yap Kwan Seng  
**50450 W.P. KUALA LUMPUR**
6. Ketua Pegawai Eksekutif  
Education Malaysia Global Services (EMGS)  
Tingkat 20, Menara TA One  
22 Jalan P Ramlee  
**50250 W.P. KUALA LUMPUR**
7. Sekretariat  
Jawatankuasa Naib Canselor/Rektor Universiti Awam (JKNC/R UA)  
Pejabat Naib Canselor  
Universiti Malaysia Pahang  
**26600 PEKAN, PAHANG DARUL MAKMUR**

8. Sekretariat  
Jawatankuasa Timbalan-Timbalan Naib Canselor/Rektor (Akademik &  
Antarabangsa) (JKTNCRA IPTA)  
Pejabat Timbalan Naib Canselor (Akademik & Antarabangsa)  
Tingkat 9, Canselori  
Universiti Malaya  
**50603 KUALA LUMPUR**